


西皇平

西
征陵蜀

記碑文





叢書集成

初編

主編者
王雲五

商務印書館發行



平西蜀文



3 0646 3513 3

明太祖撰

本館據紀錄彙編
本影印初編各叢
書僅有此本


083
112
2:2419

紀錄彙編卷之三

御製平西蜀文

洪武

洪武四年九月三十日朕親紀征蜀二道總兵官功
之低昂以旌忠勇有智之將又張無謀鈍兵之徒爾
某再作平蜀頌一章為傳將軍廖將軍千萬年不朽
之功朕聞雲從龍風從虎聖人作而萬物覩此蓋上
古聖君臨御恩及海內故賢者讚揚若非聖君安敢
受此美稱善揚者也朕本淮民因元失政豪傑忿爭
吾承人後偶獲多兵訓練為我調用有時命將四出



有時親征一方不五六年間羣雄斂跡惟西蜀一隅
限山阻險是有戴壽者假明之童孩負固不伏陰生
詭計說誘諸洞蠻夷爲我邊民患於是發兵二道命
將分行三年冬平章楊璟德慶侯廖永忠率舟師抵
瞿塘戴壽以合蜀軍民與之決戰平章楊璟兵敗收
兵僅能與之對壘當年冬穎川侯傅友德將兵由西
番道經階文逾月而抵綿漢蜀兵莫敢當鋒其戴壽
者恃瞿塘之險選老弱守之盡拔堅關之兵西行與
穎川侯戰道逢穎川侯一戰戴壽披靡再戰因逼成
都其攻衢關舟師總兵者尚未盡知將軍穎川侯木

牌書其戰勝次第順川江而放流德慶侯獲之連壘
而進乘機破關搗虛而至僞京師幼主明昇銜壁率
文臣請降戴壽爲傳將軍生擒於成都於是中國清
寧論將之功傳一廖次低昂是焉

天佑我邦 師出一律 將忿揚揚 馬嘶蹄踏

畫角聲張 惟我穎侯 智勇難量 羌人稽首

壺漿道傍 勞我軍行 綿漢是降 蠢爾戴壽

率衆來當 一戰披靡 拒城且藏 旬日困逼

詣軍請降 傳將功就 再歌翟塘 天生廖將

與傳成雙 江風浩浩 起我旌幢 泊舟連壘

直破衢關

生俘僞主

市肆無干

遣使飛捷

一刻數關

天產名將

兵出農間

非朕有能

實由天鑿

有臣在南


家居括蒼

生而能文

舉筆何難

謂我採擇

黼之班班



皇 陵 碑

明 太 祖 撰

皇陵碑

本館據紀錄彙編
本影印初編各叢
書僅有此本

紀錄彙編卷之一

御製皇陵碑

洪武

洪武十一年夏四月命江陰侯吳良督工新造皇
堂予時秉鑑窺形但見蒼顏皓首忽思往日之艱辛
况皇陵碑記皆儒臣粉飾之文恐不足爲後世子
孫戒特述艱難明昌運俾世代見之其辭曰

昔我 父皇寓居是方農業艱辛朝夕徬徨俄爾天
災流行眷屬罹殃 皇考終於六十有四 皇妣五
十有九而亡孟兄先死合家守喪田主德不我顧呼

叱昂昂既不與地鄰里惆悵忽伊兄之慷慨惠此黃壤殞無棺柳被體惡裳浮掩三尺莫何殺漿既堊之後家道惶惶仲兄少弱生計不張孟嫂携幼東歸故鄉值天無雨遺蝗騰翔里人缺食草木無糧予亦何有心驚若狂乃與兄計如何是常見云去此各度凶荒兄爲我哭我爲兄傷 皇天白日泣斷心腸兄弟異路哀動遙蒼汪氏老母爲我籌量遣子相送備醴馨香空門禮佛出入僧房居未兩月寺主封倉衆各爲計雲水飄颺我何作爲百無所長依親自辱仰天茫茫旣非可倚侶影相將突朝煙而急進暮投古寺

以趨踰仰窮崖崔嵬而倚碧聽猿啼夜月而淒涼魂
悠悠而覓父母無有志落魄而俠伴西風鶴唳俄淅
瀝以飛霜身如蓬逐風而不止心滾滾乎沸湯一浮
雲乎三載年方二十而疆時乃長淮盜起民生攘攘
於是思親之心昭著日遙盼乎家邦已而既歸仍復
業於覺皇住方三載而又雄者跳梁初起汝頴次及
鳳陽之南廂未幾陷城深高城隍拒守不去號令彰
彰友人寄書云及趨降旣憂且懼無可籌詳倘有覺
者將欲聲揚當此之際逼迫而無已試與知者相商
乃告之曰果束手以待罪亦奮臂而相戕知者爲我

畫計且禱陰以默相如其言往下去守之何詳神乃
陰陰乎有警真氣郁郁乎洋洋上逃卜守則不吉將
就凶而不妨卽起趨降而附城幾被無知而創少頃
獲釋身體安康從愚朝暮日日戎行元兵討罪將士
湯湯一攫不得再攫再驟移營易壘旌旗相望已而
解去棄戈與鎗予脫旅隊馭馬控韁出遊南土氣舒
而光倡農夫以入伍事業是匡不逾月而衆集赤幟
蔽野而盈岡率度清流戍守滁陽思親詢舊終日慨
慷知仲姊已逝獨存駙馬與甥雙駙馬引兒來我棲
外甥見舅如見娘此時孟嫂亦有知携兒挈女皆從

傍次兄已歿又數載獨遺寡婦野持筐因兵南北生
計忙忙一時會聚如再生牽衣訴昔以難當於是家
有眷屬外練兵鋼羣雄並驅飲食不遑暫戍和州東
渡大江首撫姑熟禮儀是尚遂定建業四守關防礪
兵秣馬靜看頡頏羣雄自爲乎聲教戈矛天下鏗鏘
元綱不振乎彼世祖之法豪傑何有乎仁良予乃張
皇六師飛旗角九勇者效力智者贊襄親征荆楚將
平湖湘三苗盡服廣海入疆命大將軍東平乎吳
越齊魯耀乎旌幢西有乎伊洛嶠函地險河湟入胡
都而市不易肆虎臣露鋒乃而燦若星鉞已而長驅

乎井陘河山之內外民庶咸仰關中卽定市碁筮簧
玄菟樂浪以歸版籍南藩十有三國而來王倚金陵
而定鼎託虎踞而儀鳳凰天塹星高而月輝滄海鍾
山鎮嶽而巒接乎銀潢欲厚陵之徵堊卜者乃曰不
可而地且藏於是祀事之禮已定每精潔乎蒸嘗惟
劬勞罔極之恩難報勒石銘於皇堂世世承運而務
德必彷彿於殷商淚筆以述難諭嗣以撫昌稽首再
拜願時時而來饗

紀錄彙編卷一終



西 征 記

明 太祖 撰

本館據紀錄彙編
本影印初編各叢
書僅有此本

紀錄彙編卷之二

御製西征記

洪武

癸卯秋以巨舟千艘載甲士十萬是日天風東發揚
帆沂流西征荆楚禡旗之後纜解舟行時兩岸諸山
墨雲變隸左雷右電江湖洶湧羣鳥萬數挾舟趨焉
少頃有蛇自西北浮江趨舵朕親視之斯非神龍之
化若是歟果天不我捨加龍神運機則西鄙之寇如
豺狼之被獵不旬日必至吾麾下次日舟師抵采石
泊牛渚磯未幾一龜一蛇浮嶼舵後略不畏人如此

終平晝不異斯急流之所疑其然怪之見船末巨鼓一枚恐妨戰鬪卽令左右將施神廟語旣鼓行復視之莫知龜蛇之所在已而師行由梁山磯其江陝隘巨舟輻輳見對立菟山怪石穿空奔濤峻急樹生產畔凝鳥道以披雲罷觀之後駕勝飛帆暮泊蕪湖之西江天風漸作水陸音生驚濤泊岸氣溟濛是久止趨就纜至日風猶未止仍泊是江遙見江心一山挺然凌空齒然挿水首有廟焉惟諸將輕舸如織梭而上下朕謂左右曰若是者何如對曰是山之神擅禍福致是所以諸將往禱焉須臾逆風止順風生於是

浮游而前數日越樅陽渡漢武射蛟之所半晝抵皖
城寇舟不戰水陸固守朕命諸將以舟繫水以步疑
陸鼓譟而進不踰時空其江盡爲我有於是宵晝弗
停次日午後兵抵潯陽之下與彼交戰再衝再折凡
若此者三彼負而我勝友諒逃遁遺將伏降朕命能
者葺城守之班師建業叶兵凶事耳聖人不得已而
用之朕命甲士露鋒刃比縛首惡以來前其良民安
無誤遭者耶荷 上帝默相兵無血刃潯陽以平民
獲康哉

廣信府同知鄒 潘

推官方 重校正

臨江府推官袁長馭

上饒縣學教諭余學申對讀

湖州府後學吳仕旦覆訂

紀錄彙編卷二終



三十年五月五日

該書店

編主五雲王

編初成集書叢

種二他其及文蜀西平

中華民國二十八年十二月初版

撰者 明太祖

發行人 王雲五
長沙南正路

印刷所 商務印書館

發行所 商務印書館
各埠



083
14
2419